

Batisto Bonnet

***Lou Saquet
dóu Gnarro***

(Gleno)



CIEL d'Oc

Centre International de l'Écrit en Langue d'Oc

- 1 -

Mis armarié ? - Pardiéu, lou bounet, — lou bounet e pas la bouneto, — bèn sus la tèsto, bèn proche de la tèsto; emai encaro dos cebo, dos cebo de Bello-Gardo. E la deviso ?

“- Quau m’entameno,
Counèis ma meno.”

- 2 -

Siéu nascu lou 15 de febríe de la bello annado 1844, en Bello-Gardo dóu Gard, dins l’oustau dóu Vièi Brouquié que douno dins l’anciano carriero de La Malo-Posto, apelado iuei vulgarimen la routo de Nimes. A prepaus de ma neissènço, ma Maire m’a souvènt di qu’en dessouto dóu loujamen qu’oucupavon se ié tenié un bal e qu’au moumen que rintrère dins la vido, mi premiéri badado fuguèron saludado pèr li noto embriaganto d’uno pastourello. Me demande s’es pas d’aquí que me vèn d’èstre risèire e cantaire coume lou siéu.

- 3 -

La fin de la vido es un estrifamen, la coumençanço vau pas la telo d’estiragno e lou mitan es un fouletoun que s’aubouro e se perd coume un uiau dins la chavano.